

سه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

تَبْلِیغات

آبونه اولمق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

تَبْلِیغات

جنحه افعالنندن طولانی حبس جزاسیله محکوم
وغیر موقوف اولان اشخاصدن تمیز دعواسنده
بولنلرک توقیف آلتنه التمشین کفالته ربط اوله رق
اوراق متعلقه سی محکمه تمیزه کوندرلکده وشمیدی به
قدر بویولده ارسال قلنسان اوراق قبول ایدلکده
اولدینی حالده بوکره محکمه تمیز استدعا دائره سندن
لاحق اولان درت قطعه اعلامده محکوملرک توقیف
وبالکفاله سیلیری تخلیه قلنمق صورتیله شرائط
تمیزیه نیک شو جهتی اصول محاکات جزائییه قانوننک
اوچوز یکرمی یدنجی ماده سی حکمنه توفیق ایدلماش
اولدینی بیانیله اولباده کی تمیز استدعا نامه لرینک ردینه
قرار ویرلدیکی کوسترلش واوله جریان ایدن اصول
دائره سنده حرکت ایتش اولان مستدعیلرک بالاخره
ماده مذکورنک تبدل ایدن تطبیقاسندن طولانی تمیز
دعواسندن محرومیتلری رهین جواز اوله میه جنی
مطالعنه سنه بناء ذکر اولنان اعلامانک تفیدنده تردد
ایدلش اولدیغندن بختله استفسار معاملیه نی حاوی حلب
ولایتی محکمه استینافیه سی مدعی عمومیلکندن وارد
اولان ۲۹ حیزران سنه ۳۲۰ تاریخی شقه ایله ملفوفی
اوزینه انجمن عدلیه دن اعطا قلنان مذکرده حبس
جزاسیله محکوم اولنلرک حال محبوسیتده بولندقلری
ویاخود کفالته ربط ایله صالیورلش اولدقلری ثابت
اولدقچه تمیز استدعا نامه لرینک مسموع اوله میه جنی
اصول محاکات جزائییه قانوننک مذکور اوچوز
یکرمی یدنجی ماده سنده مصرح اولسنه نظراً حبس
حکمی متضمن اولان اعلامانک تمیزینی طلب واستدعا
ایدن اشخاصک یا حال محبوسیتده بولنلری ویاخود
بعدالحبس کفالت ارانه سیله سیلیرینک تخلیه ایدلش
اولمسی مشروط اولدینی مثللو محکمه تمیزک هیئت
عمومیه سندن ویریلان قرارلرده ماده مذکورنک شو
صورتله امر تطبیقاسنک اجراسی لزومی تأییدوتصدیق
ایدلش وموضوع بحث اولان اعلامات تمیزیه ایله
محکوم علیهمک رد اولنان تمیز استدعا نامه لرینک عدم

قبولی بولنلرک محلیجه قبل الحبس کفالته ربط ایدلش
اوللری کی جریان ایدن معاملیه نیک سالف الذکر
ماده قانونیه حکم صریحنه مغایر بولنسنندن ایلر وکلوب
تدقیقات تمیزیه دن متحصل شو نتایج کوره کسب
قطعت ایدن مقررات استینافیه نیک تفیدی قانونا
مقتضی اوله رق بوباده ترده محل کوریه مامش
اولدینی افاده قلنمشدر.

محکمه تمیز استدعا دائره سندن اعطا قلنان اعلامدر:

بیرونده مقیم بسترس ونحاس شرکت تجاریه سی
شرکاسندن خلیل نحاس ومتوفی نخله بسترسک زوجیه سی
واولاد صفارینک وصیسی لیده قادین ایله بینلرنده
متکون دعوایه دائره بیروت ولایتی مرکز تجارت محکمه سندن
لاحق اولان ۲۳ تشرین اول سنه ۳۱۷ تاریخی اعلامک
تمیزینی مستدعی بیروت اهالیسندن یوسف یعقوب
ثابت کریمیه سی روزه قادینک ویردیکی عرضحال
ومتفرعاتی باش مدعی عمومیلک مأوریت بهیه سنک
مطالعنه نامه سیله برلشدیریلرک محکمه تمیز استدعا
دائره سنده لدی التذقیق مدت وشروط قانونیه سنه
موافق ومدعی علیهمان لیده قادین طرفندن ویریلان
جواب لایحه سنده شرائط حقنده سرد ایدیلان
اعتراضک غیر وارد اولدینی اکلاشلماغله عرضحال
مزبور بالقبول وظیفه متعلق اولان اعلام مذکور
حقنده تدقیقات تمیزیه اجراسنه ابتدار قلندی.

اعلام مزبورک خلاصه مالی مرقومه روزه قادینک
برقطعه سنده استناداً شرکت مذکور ذمتنده غیراز
تسلیم آله جنی اولدینی ادعا ایلدیکی یوز یتش بش
بیک غروشک شرکت مذکور شرکاسندن خلیل
نحاس ایله متوفی نخله بسترسک زوجیه سی واولاد
صفارینک وصیسی لیده قادینندن تحصیل واستیفاسی
حقنده محکمه مذکوریه بلر ارجعه اقامه ایلدیکی دعوانک
انهای محاکمه سنده لیده قادین وکیلی ورته میانده
صغیر اولمسیله موجب تحریر بولنان ترکه متوفی علیهنه
اقامه ایدلش اولان دعوا وواقعنک رؤیتی محکمه
شرعییه عائد اولدینی مدافعه درمیان ایتسی اوزینه

اولباده سبق ایدن محاکمه ومذاکره نتیجه سنده شرکت
مذکوره شرکاسندن ایکن وفات ایدن نخله میشل
بسترسک ورته سی میانده وصایت آلتنده بر صغیر
اولمسیله ترکه سی موجب تحریر اولدیغنه وبوقوله
موجب تحریر اولان ترکه لر علیهنه اقامه ایدیلان
دعوانک رؤیتی محاکم شرعییه عائد بولندیغنه منی
ترکه مذکوره علیهنده کی دعوانک رؤیت وتذقیق
محکمه تجارتک وظیفه سی خارجنده اولدیغنه ودیگر
شریک خلیل نحاس حقنده کی دعوانک دوام رؤیتنه
قرار ویرلدیکندن ومستدعی تمیز روزه قادینک اشو
قرار علیهنه لایحه سنده مندرج اعتراضاتک خلاصه سی
دخی دعوا وواقع قوللکتیف بر شرکت تجاریه علیهنه
اقامه ایدلش ومعاملات تجاریه دن متولد بولنش
اولسنه کوره فصل وحسمی محکمه تجارتک وظیفه سی
داخلنده بولنش ایکن برمنوال محرر محکمه شرعییه
عاندیتنه قرار ویرلمسی مغایر قانون ایدو کندن وسائر دن
بختله اعلام مذکورک نقضی ومدعی علیهمانک لایحه سنده
محرر فذلککه اجوبه ده اعلام مزبورک موافق قانون
ایدوکی بیانیله تصدیق استدعاسندن ومطالعنه نامه نیک
مقادیله اعلامده کوستریلان اسباب مقبوله قانونیه
نظراً لایحه تمیزیه نه وظیفه ده دائر سرد ایدیلان
اعتراضاتک موافق قانون کوریه مدیکی بیاندن عبارت
بولنمشدر.

ایجابی لدی المذاکره مقاد اعلامدن منقهم اولدینی
وجهله دعوا وواقع شرکادن برینک وفاتیله منفسخ
اولان قوللکتیف شرکت تجاریه سی علیهنه اقامه
اولدینی وبر طرفدن اشو دعوانک بر حیات اولان
شرکادن خلیل نحاس حضوریه محکمه تجارتک رؤیتی
قرار آلتنه آلتدینی حالده دیگر طرفدن شریک
متوفی ورته سی علیهنده کی عین دعوانک محکمه شرعییه
عاندیتنه قرار ویرلمسی بر دعوانک ایکی محکمه ده رؤیت
وحکم اولنسنی مین ویکدیگره مابین اولدینی جهته
مغایر قانون کورنمش اولدیغندن اصول محاکمه حقوقیه
قانوننک ایکی یوز اوتوز ایکنجی ماده سی موجب
اعلام تمیز بهک نقضیه کیفیتک احکام قانونیه دائره سنده

یکدن بالتدقیق اعلامه ربطی ضمننده محکمه مذکوربه اعاده سنه و اوجوز قرق بش غروش اون باره مصارف تمیزنه نك بالاخره حقسنز چقه جق طرفه راجع اولوق اوزره اول امرده مستدعیه روزه قادیندن آلتسنه ۱۴ مایس سنه ۳۱۸ تاریخنده متفقاً قرار ویرلدی.

محاکمه قریه

ملاطیه سنجانی بدایت محکمه سی مدعی عمومی معاون سابق عارف حلمی افدینک اوراق انفصالیه ومدافعه نامه سی انجمن انتخاب مأمورین عدلیه جه لدی التدقیق جواز استخدا منه قرار ویرلشد.

قره بوجاق قریه مصطفیانك خانه سی احراق ویرام وطوبال علینك لیلاً و مسلحاً قیو قیومق صورتیه اوکوزلری سرق ایلدیک ادعا اولنسندن دولای جنبایله اتهام اولان یوسفك بش سنه مدته کورکه قونلرینه دار قوزان سنجانی بدایت محکمه سی جزا دأره سندن ویریلان ۱۴۸ نومروی اعلام

مسلس ناحیه حاجی خیری قتل قصدیه جرح ایلدیک ادعا اولنسندن دولای جنبایله اتهام اولان کرد علونك اوج سنه مدته کورکه قونلرینه دار اطنه ولای استیناف محکمه سی جزا دأره سندن ویریلان ۱۳۱ نومروی اعلام

جمعه بالا قضالی نفیسه بنت حسین قتل قصدیه سلاح انداخت ایلدیک ادعا اولنسندن دولای جنبایله اتهام اولنسان امینك اوج سنه مدته کورکه قونلرینه دار سیروز سنجانی بدایت محکمه سی جزا دأره سندن ویریلان ۲۳۳ نومروی اعلام

یاشار قریه یی غیری ضرب ایله وفاته سببیت ویردکری ادعا اولنسندن دولای جنبایله اتهام اولنسان امینه سیرو و محمود ورجب و دیگر محمودك بشر سنه مدته کورکه قونلرینه دار بتلس ولای استیناف محکمه سی جزا دأره سندن ویریلان ۵۸ نومروی اعلام

طاغ خانی قریه ادم افانك چیدن معمول حویلسیه اولتری احراق ایلدکری ادعا اولنسندن دولای جنبایله اتهام اولنسان ابراهیم و عزتک اوجر سنه مدتلره کورکه قونلرینه دار خداوندکار ولای استیناف محکمه سی جزا دأره سندن ویریلان ۶۱۲ نومروی اعلام

سپاهی زاده خورشید افدینك خانه سی دیواری دله رك اشیا سی سرق ایلدکری ادعا اولنسندن دولای جنبایله اتهام اولنسان شاكر وعی الدینك اوجر سنه مدتلره کورکه قونلرینه دار وان ولای استیناف محکمه سی جزا دأره سندن ویریلان ۱۲۲ نومروی اعلام

زوجی سی پنه ی قتل ایلدیک ادعا اولنسنندن دولای جنبایله اتهام اولنسان قطی طافه سندن عارفك اون بش سنه مدته کورکه قونلرینه دار تکفورطانی سنجانی بدایت محکمه سی جزا دأره سندن ویریلان ۳۱۷ نومروی اعلام

خرستونی تفك قورشونیه قتل ایلدیک ادعا اولنسنندن دولای جنبایله اتهام اولنسان فرهادك اون بش سنه مدته کورکه قونلرینه دار کلیولی سنجانی بدایت محکمه سی جزا دأره سندن ویریلان ۲۸۲ نومروی اعلام

زوج مطلقه سی خدیجه خانی قتل قصدیه جرح ایلدیک ادعا اولنسنندن دولای جنبایله اتهام اولنسان نائل افدینك اوج سنه مدته کورکه قونلرینه دار درساعات جنبایت محکمه سندن ویریلان ۹۴ نومروی اعلام

قسطی بی تفك قتل ایلدیک ادعا اولنسنندن دولای جنبایله اتهام اولنسان چولاق حسینك اون بش سنه مدته کورکه قونلرینه دار قلعه سلطانیه سنجانی بدایت محکمه سی جزا دأره سندن ویریلان ۱۹۳ نومروی اعلام

سودجی وانكك مسلحاً اوکنه چیقوب یکی رأس بارگیری سرق ایلدکری ادعا اولنسنندن دولای جنبایله اتهام اولنسان چوان ویسل و اسماعیلک اوجر سنه مدتلره کورکه قونلرینه دار درساعات جنبایت محکمه سندن ویریلان ۱۸۱ نومروی اعلام

عبداللهی متعدد حملندن جرح ایدرك عضوی تعطل ایلدیک ادعا اولنسنندن دولای جنبایله اتهام اولنسان عثمانك درد سنه مدته کورکه قونلرینه دار درساعات جنبایت محکمه سندن ویریلان ۱۹۸ نومروی اعلام

قلب مجیدی و چاریکلری اعمال و یونلری سورمکه اشتغال ایلدیک ادعا اولنسنندن دولای جنبایله اتهام اولنسان نقاش بورکی نام دیگر جورچینك اون بش سنه

مدته کورکه قونلرینه دار درساعات جنبایت محکمه سندن ویریلان ۲۳۶ نومروی اعلام

بارگیری عمری قتل ایلدیک ادعا اولنسنندن دولای جنبایله اتهام اولنسان کاظمك اون بش سنه مدته کورکه قونلرینه دار درساعات جنبایت محکمه سندن ویریلان ۱۹۹ نومروی اعلام

البسه اوتوجیسی مانوق جرح و قتل ایلدیک ادعا اولنسنندن دولای جنبایله اتهام اولنسان نیقولینك اون بش سنه مدته کورکه قونلرینه دار درساعات جنبایت محکمه سندن ویریلان ۲۳ نومروی اعلام

خانه سی احراق ایلدیک و جرحک اطرافه سیرایله قرق یکی خانه واون اوج دکانک یا تسنه سببیت ویردیک ادعا اولنسنندن دولای جنبایله اتهام اولنسان صوبه سی بورکینک مؤبد کورکه قونلرینه دار درساعات جنبایت محکمه سندن ویریلان ۱۸۸ نومروی اعلام

بك اوغلنده ترا باشند مشترکاً اقامت ایتمکه اولدقاری خانه ده اسبارتا وقانته نام قادیله عائد اوطه قیوسی آلت مخصوصه ایله آجیرق سرقه تصدی ایلدیک ادعا اولنسنندن دولای جنبایله اتهام اولنسان دباغ مانولك اوج سنه مدته کورکه قونلرینه دار درساعات جنبایت محکمه سندن ویریلان ۱۹۰ نومروی اعلام

احمدك کوزینه غاز لامبه سی آندرق جرح ایلدیک ادعا اولنسنندن دولای جنبایله اتهام اولنسان چوان کاظمك اوج سنه مدته کورکه قونلرینه دار درساعات جنبایت محکمه سندن ویریلان ۱۲۷ نومروی اعلام

صولاقار قریه رائفی قتل ایلدیک ادعا اولنسنندن دولای جنبایله اتهام اولنسان محمدك اون بش سنه مدته کورکه قونلرینه دار اذمید سنجانی بدایت محکمه سی جزا دأره سندن ویریلان ۳۴۶ نومروی اعلام

براشکوی قریه یریشان خانون ایله سلیمانك کیفیت قتلرندن دولای جنبایله اتهام اولنسان قورک اون بش سنه مدته کورکه قونلرینه دار اضرورم ولای استیناف محکمه سی جزا دأره سندن ویریلان ۱۷۹ نومروی اعلام

قطعه محلی بکری جرح ایدرك صول کوزنی رؤیتدن محروم ایلدیک ادعا اولنسنندن دولای جنبایله اتهام اولنسان خلیلک اوج سنه مدته کورکه قونلرینه دار حلب ولای استیناف محکمه سی جزا دأره سندن ویریلان ۵۴۸ نومروی اعلام محکمه تمیز جزا دأره سنجه تصدیق اولنشد.

تحسینك کورقورک قفسی سرق ایلدیک ثابت اوله مدیغندن برانته

کوفجی محمد و ولینك مضاربیه ایتدکری اکلاشیله مدیغندن برانترینه قومیسر کال بک نیکتار قادی ضرب ایتدیک ثابت اوله مدیغندن برانته

باغچوان طاهرک عایشه خانی ضرب و جرح ایتدیک ثابت اوله مدیغندن برانته بالقی صادق فخرالدین افدی به تشهر سلاح ایلدیک ثابت اوله مدیغندن برانته

ملازم سلیمان بک احمد خلوصی افدی به اطاله لسان ایلدیک ثابت اوله مدیغندن برانته قایچی عمرک علی بی ضرب ایلدیک ثابت اوله مدیغندن برانته

حسنك سرسریلیک اکلاشیله مدیغندن برانته علقو ومصطفی و اسماعیل وحسینک بولنی ضرب ایلدکری ثابت اوله مدیغندن برانترینه

قومیداس ایله مریم یکدیگری ضرب ایلدکری ثابت اوله مدیغندن برانترینه یونانی قوجونك حریق ظهورینه سببیت ویردیک اکلاشیله مدیغندن برانته

میچونك واسیلی ضرب ایتدیک ثابت اوله مدیغندن برانته

باغی یاموری ضرب و جرح ایلدیک ثابت اولان جراح یوسفك برهفته حبسنه

عایشه خانی ضرب ایتدیک ثابت اولان امینه خاندن برآتون آله رق مضروبیه اعطاسنه

حسین افدی به اطاله لسان ایتدیک ثابت اولان سوئی مصطفادن یارم لیرا جزای نقدی اخذینه داوید نام چوچی جرح ایلدیک ثابت اولان ایساقك صغری حسینیله کفالت قویه به ربطیه ولینسه تسلیمینه

خرستونی جرح ایلدیک ثابت اولان یانینك اوج کون حبسنه

خلاف تنیه سلاح طاشدینی ثابت اولان حسیندن بش بشلک جزای نقدی اخذینه

بکک قورودن حطب قطع وسرق ایتدیک ثابت اولان رنجیر ابراهیم چاوشک یکری درد ساعت حبسنه حسین ایله زوجی شریفیه اطاله لسان ایتدیک ثابت اولان زاندارمه چاوشی احمد افانك یکری درد ساعت حبسنه

صندالچی عمره اطاله لسان ایلدیک ثابت اولان صندالچی عثمانك برهفته حبسنه محمد اطاله لسان ایتدیک ثابت اولان علی اغادن یارم لیرا جزای نقدی اخذینه

بیکبائی توفیق بک بالطوسی طولاندیردینی ثابت اولان آرابه سی احسانك اوج ماه حبسیله برلیرا جزای نقدی اخذینه

کاملک اشیا سی سرقه تصدی ایلدیک ثابت اولان حسینك اوج ماه حبسیله ختام مدت جزای سنه ضابطه جه کفالت آلت آلتسنه

اسکدارده بلبل دره سنده ساکن موقع ماموری عارف افدینك احمدی ضرب ایتدیک ثابت اولدیفندن برلیرا آله رق مضروبیه ویرلسنه

سورچی قیفینك کلعدار قادی ضرب ایتدیک ثابت اولدیفندن برهفته حبسنه

قاضی کوبنده ساکن سمسار حبیب چاوش ایله بقال دستکاهداری خرستونک یکدیگری ضرب ایتدکری ثابت اولدیفندن خرستونک اون بش کون وحسین چاوشك برهفته حبسلرینه

فرانسه دولتی تنه سندن باغچوان دوروانك سورچی علی قرباجله ضرب ایلدیک ثابت اولدیفندن بریحی لیرا آله رق مضروبیه اعطاسنه

باشمه حسنك حکیم باغی جفتلک هایونندن آتاج قطع ایتدیک ثابت اولدیفندن برهفته حبسنه طلومبجی نیازی ضرب و جرح ایتدیک ثابت اولان رسولك یکری کون حبسنه

زوجی سی فاطمه بی ضرب و جرح ایتدیک ثابت اولان ایرانی علیدن ایکی التون التوب مضروبیه اعطاسنه اورای جرح ایتدیک ثابت اولان نابالغ مراهق یاتودن یارم لیرا آله رق مجروحه اعطاسنه

نظیفه خانه اطاله لسان ایتدیک ثابت اولان منور خاندن برلیرا جزای نقدی اخذینه حق دخولی اولدینی خالد فاطمه خاتمك خانه سنه کبره رك خدمتکار واحد ایله مضاربیه ایلدیک ثابت اولان اشعی علینك اون کون و واحدك برهفته حبسلرینه

زوجی سی سنبل خاتمك البسه سی یرتمق صورتیه اموال منقوله سنه ایراث خسار ایلدیک ثابت اولان اسکچی محمددن اون بشلک جزای نقدی اخذینه

حسین اغابه تشهر سلاح ایلدیک ثابت اولان قویچی عثمانك برهفته حبسنه

اوراحمی اجرای وظیفه خالنده ضرب ایلدیک ثابت اولان قومیسر حسین افدینك یکری درد ساعت حبسنه قسطی ضرب ایتدیک ثابت اولان صراف قوجونك برهفته حبسنه

یکری ضرب ایتدیک ثابت اولان مصطفادن بر آتون التوب مضروبیه اعطاسنه خیره قادی ضرب ایتدیک ثابت اولان لطافتك برهفته حبسنه

حسین حبیب بک اطاله لسان ایتدیک ثابت اولان طاهر افدینک یارم لیرا جزای نقدی اخذینه غوریه اطاله لسان ایتدیک ثابت اولان الیازردن یارم لیرا جزای نقدی اخذینه

اجزای همبار سوم افدی بی ضرب و جرح ایلدیک ثابت اولان اجزای پروانك اون کون حبسنه

حمال سلیمان ضرب ایلدیک ثابت اولان محمدك اون کون حبسنه

یاقونی ضرب ایلدیک ثابت اولان یاندیلدن بر یچق لیرا التوب مضروبیه اعطاسنه

ابراهیم ایله زکریانك یکدیگری ضرب ایلدکری ثابت اولدیفندن برهفته حبسلرینه

کباچی عزیزی ضرب ایلدیک ثابت اولان یورکینك برهفته حبسنه

عزیز ایله ابراهیم افانك یکدیگری ضرب ایلدکری ثابت اولدیفندن برهفته حبسلرینه

جراح حسینی ضرب ایتدیک ثابت اولان اسماعیلدن برلیرا التوب مضروبیه اعطاسنه

یکدیگریه اطاله لسان ایلدکری ثابت اولان عایشه وزهرا وحسینا خاتردن ایکشر لیرا جزای نقدی اخذینه

قوندورجی یانی ضرب ایتدیک ثابت اولان ایلیانك اون بش کون و کذا مرقوم یانی به اخافه قصدیه تشهر سلاح ایدن قهوه سی یانینك برهفته مدتلره حبسلرینه

واسیلک اموال منقوله سنه ایراث خسارله برار ضرب ایلدکری ثابت اولان صندالچی علقو وطناشك اون بشر کون حبسلرینه و زیان بدلی اولوق اوزره قرق بش غروشك مرقوماندن تحصیلیه مشتکی به اعطاسنه مقبوله خانه اطاله لسان ایلدیک ثابت اولان عاصمدن یارم لیرا جزای نقدی اخذینه انکلی بی ضرب ایتدیک ثابت اولان نیقودن برلیرا التوب مضروبیه اعطاسنه

حاجی مصطفای ضرب ایتدیک ثابت اولان محمد افدیندن برالتون التوب مضروبیه اعطاسنه

درویش موسی ایله آتجی محمد یوسفک یکدیگری ضرب ایتدکری ثابت اولدیفندن برهفته حبسلرینه

خیره خانه اطاله لسان ایتدیک ثابت اولان قومیسر طاهر افدینك یکری درد ساعت حبسنه

قسطی ضرب ایتدیک ثابت اولان صراف قوجونك برهفته حبسنه

یکری ضرب ایتدیک ثابت اولان مصطفادن بر آتون التوب مضروبیه اعطاسنه

خیره قادی ضرب ایتدیک ثابت اولان لطافتك برهفته حبسنه

قدری بک ترلاسنده کی اغاجدن جویر سرق
ایندیکی ثابت اولان باغچوان دیمترینک اوج کون حبسنه
درسعدت ، بک اوغلی واسکدار بدایت محکمه لری
جزا دائره لرنبه قرار ویرلمشدر .

اعلانات

اعلانات نظامیه اجرا دائره سنده :

سعادتلو عثمان پاشا حضر تارینک حاجی حسن اغا
ذمتده اله جنی اولان مبالغت تأمین استیفاسی چون
محکمه قراریه محجوز اولوب فروختی محکوم بولنان
قاسم باشاده جامع کیر محله سنده درت قیو میدان
زقاغنده مکرر اوتوز بر نومرولو و تخمیناً طقوز یوز
سکسان بش آرشون عرصه اوزرینه مبنی دروننده
اوتوز سکز قورنه اولدینی حالده کارکیر بر باب
حمامک نصفیه آلتنده واقع اوتوز بر و مکرر اوتوز بر
واوتوز اوج و اوتوز بش نومرولو درت باب دکانک
کذا نصف حصه شایعه سی و محل مذکورده یاشخانه
زقاغنده واقع تخمیناً اوجیوز طقسان آرشون عرصه
اوزرینه مبنی ایکی قادن عبارت اون نومرولو خان
ایله آلتنده کائن اوج باب دکان و بر باب قهوه خانه ک
تمامی و اتصالده کائن تخمیناً اوجیوز آرشون عرصه
اوزرینه مبنی نیم کارکیر بر باب آخور ایله محل
مذکورده درت قیو دره یولی جاده سنده واقع
و تخمیناً آلتش آرشون عرصه اوزرینه مبنی اوتوز
نومرولو بر باب فرون و اتصالده کائن تخمیناً یوز
اوتوز آرشون عرصه و کذا محل مذکورده تخمیناً
ایکیوز آرشون عرصه اوزرینه مبنی بر قادن عبارت
کر چخانه و قارشوسنده واقع بر قطعه عرصه ک تاریخ
اعلانن اعتباراً اون بش کون صکره بالمزایده
فروخته تشبث اولنه جنی درسعدت اعلانات نظامیه
اجرا دائره سنندن اعلان اولنور .

اعتباریه بر حصه سی مجموعی آلتش بر کون ظرفنده اجرا
قلنان مزایده علنیه نتیجه سنده لیرای عثمانی یوز غروش
حسابیه بشیوز غروشده طالبی عهده سنده تقرر
ایدرک رغبات ناسک انقطاعه مبنی موقه قرار داده سی
کشیده قلنمش اولدیغندن یوزده بش ضم ایله زیاده به
طالب اولانلرک تاریخ اعلانن اعتباراً اوتوز بر کون
ظرفنده درسعدت اعلانات نظامیه اجرا دائره سنده
مراجعت ایملری و مدت مذکورده اقتضاسندن صکره
ضم قبول اولنیه جنی دائره مذکورده دن اعلان
اولنور .

قسطنی ولد خرستونک غائب سودجی ناک
سوطیرو ذمتده محکوم به اله جنی اولان مبالغت
تأمین استیفاسی چون محجوز بولنان یدی قلهده قازلی
چشمه ده تیمورخانه جاده سنده کائن تربیعاً آلتش ایکی
مترو عرصه اوزرینه مبنی مجدد کارکیر قرق التی
و قرق سکز نومرولی دکانک ملکیده دروننده مستقر
بر بر کدکک نصف حصه شایعه سی طقسان بر کون ظرفنده
اجرا قلنان مزایده علنیه نتیجه سنده عثمانی لیرای
یوز غروش حسابیه اون سکز بیک غروشده
طالبی دین مرقوم عهده سنده تقرر ایدرک قرار
قطعیسی کشیده قلندیغندن و مدیون الآن غائب
اولوب محل اقامتی دخی مجهول اولدیغندن صوک
اخبارنامه مقامه قائم اولق اوزره تاریخ اعلانن
اعتباراً سکز کون ظرفنده اثبات وجود ایدوب
محکوم به دینی کاملاً ایفا و یا خود حسن رضاسیله
تقریر اعطا الیمی و عکس صورتده رضاسنه و تقریرینه
باقلمه سزین محجوز دکانک مشتری مرقوم عهده سنه
معامله فراغیه سی اجرا قلنه جنی صوک دفعه اولق
اوزره درسعدت اعلانات نظامیه اجرا دائره سنندن
اعلان اولنور .

بک اوغلی بدایت محکمه سی اجرا دائره سنده :

حسین خالد بکک ثانیه خانم ذمتده بک اوغلی
بدایت محکمه سی ایکنجی حقوق دائره سنک بر قطعه
اعلامی موجبنبه محکوم به آله جنی اولان الی لیرانک
مع قاض و مصارف محاکمه تأمین استیفاسی ضمنتده
داین مومی الیه عهده سنه وفاء مفروغ و فروختی
محکوم اولوب حجز آلتنه آلتش اولان طوپخانه ده
جهانکیر محله و جاده سنده شیخ سلیمان افندی وقفندن
اوتوز سکز ذراع خانه محلی لدی المزایده ایکی بیک
بشیوز غروش بدل ایله طالبی عهده سنده تقرر ایدرک
موقت قرار داده سی چکلمش اولدیغندن تاریخ اعلانن
اعتباراً اوتوز بر کون ظرفنده یوزده بش ضمیمه

طالب اولانلرک ودها زیاده معلومات آلتق ایستیانلرک
یوزده اون نسبتده کی دیبوزیتو ایچهلرینی مستصحباً
بک اوغلی بدایت محکمه سی اجرا دائره سنه مراجعت
ایملری و مدت مذکورده ختامنده یعنی شهرکانون اولک
التنجی بازار ایرتسی کونی ساعت اون راده لرنده
قرار داده قطعیسی کشیده قلنمش اوزره سالف الذکر
خانه محلی پیشکاهنده مأموری حضورنده حاضر
بولملری دائره مذکورده دن اعلان اولنور .

بوللی طاش خانجی زاده عزت لواحد افندیکن عثمان
نوری افندی ذمتده بااعلام محکوم به الاجنی اولان
معلوم المقدار مبالغت تأمین استیفاسی ضمنتده غلطه ده
عرب جامعشرابی محله سنده مینا زقاغنده شمس الدین
منلا کورانی و ققندن تخمیناً یوز اوج ذراع عرصه
اوزرینه مبنی التی اوطه و بر مطبخ و قیو و تراجه ایله
یوز ذراع مقداری باغچه یی مشتمل اولان اون درت
نومرولی بر باب اخشاب خانه ده متصرف اولدینی ثلث
حصه شایعه سی لدی المزایده ایکی بیک بشیوز غروش
التون ایچله بدل ایله طالبی عهده سنده تقرر ایتش
اولغله تاریخ اعلانن اعتباراً اوتوز بر کون ظرفنده
یوزده بش ضمیمه طالب اولانلرک و بوندن زیاده معلومات
آلتق ایستیانلرک بک اوغلی بدایت محکمه سی اجرا
دائره سنه مراجعت ایملری و اوتوز برنجی یعنی
شهرکانون اولک اون اوچنجی جمعه ایرتسی کونی ساعت
سکز راده لرنده مذکور خانه پیشکاهنده مأموری
حضورنده حاضر بولملری اعلان اولنور .

سرفیه بدایت محکمه سی اجرا دائره سنده :

میچهور قریه سنده چرنسته ک قولوه موقعه ده
طرفلری یراصو غوله چلوغودی ظونه ماستریو باجدک
وغوچو باجدک ترلارلیله محدود نصفی باغ و نصفی ترلا
[دوم ۶]

قریه مزبورده طرفلری مانطو و یول و استریو
پایا یانینک خانه سنه متصل بر دوم مقدار ی باغچه و دروه
نده موجود اشجار مشمره

سرفیجه لی احمد افندی زاده حمدی افندیکن
میچهور قریه لی استریو پایا یانی ذمتده بااعلام محکوم به
آلاجنی اولان مبالغت تأمین استیفاسی ضمنتده مرقومک
ید تصرفنده بولنان بالاده حدودلری محرر املاک
واراضینک فروختی تقرر ایتکله تاریخ اعلانن اعتباراً
اون بش کون صکره بالمزایده فروخت اولنیه جنی
اعلان اولنور .